

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
Broj: T04 0 KT 0059456 24
Zenica, 21.08.2026. godine

OPĆINSKOM SUDU U ZAVIDOVIĆIMA
- Sudiji za prethodno saslušanje -
ZAVIDOVIĆI

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku F BiH, p o d i ž e m

O P T U Ź N I C U

Protiv,

B. M., ...,

što je:

Dana 18.07.2024. godine, oko 12,40 sati, u mjestu ..., u Maglaju, upravljajući motornim vozilom marke ... reg. oznaka ... na čijoj metalno-drvenoj galeriji na krovu su se nalazile metalne cijevi, metalni paneli i profili za ogradu i krećući se magistralnim putem M-17 iz smjera Doboja u smjeru Zenice, vozio neoprezno i nedovoljno pažljivo pa postupajući suprotno odredbama člana 39. stav 1. Zakona o osnovama bezbjednosti saobraćaja na putevima u BiH ugrozio sigurnost javnog prometa tako što je svojim vozilom prešao u lijevu saobraćajnu traku namijenjenu za kretanje vozila iz suprotnog smjera, svjestan da zbog takvog činjenja može nastupiti zabranjena posljedica, ali olako držeći da ona neće nastupiti ili da će je moći spriječiti, pri čemu je prednjim dijelom svoga vozila udario i ostvario kontakt sa prednjim lijevom dijelom teretnog vozila marke „...“ reg. oznaka ... koje se kretalo iz smjera Zenice u smjeru Doboja a kojim je upravljao P. M., uslijed kog udara je došlo do odvajanja i slijetanja sa galerije gore pomenutih cijevi i profila a potom proboja jedne drvene letve na kojoj se nalazio pričvršćen metalni dio tzv. rukohvata za ogradu dužine 3,80 metara kroz lijevi donji dio vjetrobranskog stakla u kabinu teretnog vozila marke „...“ i udara iste u kolo upravljača (volan) koje se pri tom savilo i prignječilo u predjelu trbuha P. M. pri čemu je isti zadobio teške tjelesne povrede zbog kojih je odmah prebačen u Kantonalnu bolnicu Zenica u kojoj je sutradan preminuo uslijed razvoja teškog traumatskog i hipovolemičnog šoka tj. šoka nastalog kao posljedica povređivanja i gubitka krvi, a koji smrtni ishod je potpomognut razvojem otoka mozga sa posljedičnim pritiskom na vitalne važne moždane centre,

čime je učinio krivično djelo Teška krivična djela protiv sigurnosti javnog prometa iz člana 336. stav 4. u vezi sa članom 332. stav 3. u vezi stava 1. KZ F BiH.